

پازار ایرنسی فی ۲۳ ربیع الال سنه ۱۳۲۸ و فی ۲۲ مارت سنه ۱۳۲۶

جمعیت علمیة اسلامیة نك ناشر افکاریدر

مدیر مسئول :
مکتب نواب معلملرندن
کلیسی منیر

سر محرر :
فاتح مجیز درسعاملرندن
توقاد مبعوثی
مصطفی صبری

صاحب امتیاز :
فاتح مجیز درسعاملرندن
استانبول مبعوثی
مصطفی عاصم

مندرجات

مقالات	آداب طعام اسلام (مؤلفی امام غزالی) مترجمی . . . طاهر المولوی
مجله روا کوریلین مؤاخذه فی مدافعه . . . کوچوک حمدی	قوتفهرانس - انتقاد . . . حسین حازم
خلفای راشدین حضراتی عصر نده احوال اجتماعیه . . . مصطفی عاصم	ادبیات :
تاریخ اسلام محققندن . . . طاهر المولوی	فضا . . . ع . عاطف
اسلامده عسکرلک . . . ع . عاطف	ردی علی مافی الذول الجید من الردی . . . مصطفی صبری

نسخه سی ۱ غر وشدرد

آبونه اجرتی (پوسته اجرتیه برابر در)

ممالک اجتهیه ایچون :
۶۰ ، ۱۲۰ فرانق .
" ۶۰ ، ۳۰

استانبول وولایات ایچون :
برسنه لکی ۶۰ غروش
القی آیلنی ۲۰

درج ایدلمیان اوراق اعاده اولماز

قارئلر مزه :

اکثر مقالانه آیات کریمه و احادیث نبویه درج ایدلمش بولندینی نظر اعتباره آله برق رعایتسز لکده بولنلماسی رجا اولنور

درسمادت

طین مطبعه سنده طبع اولمشدر



پازار ایرتسی کونلری نشر اولنور دینی، ادبی، سیاسی وفنی هفتهلق غزته در .

مجله احکام عدلیه مزه روا کوریلن مؤاخذه

مرافعه

مابعد

موسیو ماندلستام جنابلرینک قوت قلب ایله اعتراض ایتدکاری مواددن برسیده خیار رؤیته عائد اولان (۳۲۰)نجی ماده تشکیل ایدیور .

مجله نك ماده مند کورد سنده «برکیمسه برمالی کورم دین اشترا ایتسه کورنجیه دك مخیردر کورد کده دیلرسه فسح ایدر و دیلرسه قبول ایدر . « دیو محرر اولمسنه نظراً بوتون تجاری سپارشلرک الذعادی برهانه ایله رد ایدلمسی لازم کله جکمش و بوايسه حال حاضرده کی امور تجاریه یه فوق العاده سوء تأثیر اجرا ایده جکمش ...»

بوماده یی اوچ نقطه نظر دن تدقیق ایدم .

اولا بوراده کورمک نه دیمکدر :

ثانیاً سپارشلره تأثیر مضری وارمیدر یوقیدر :

ثالثاً خیار رؤیت اولمیدر اولمالیمیدر :

مجله یه الك سطحی بر نظارله بیله باقانلرک معلومیدر که بوراده کورمکدن مقصد مجله نك (۳۲۳-۳۲۴)نجی ماده سی بیان اولندی و جهله میعک اصل مقصدی بیلدیرن حال و محله واقف اولمقن و نمونه ایله صاتیلان شیلرک نمونه سز کورمکدن عبارتدر .

آئیده ایضاح ایدیه جکی وجهله بو ماده لری اکلا دقن سوکره وقوع بولان اعتراضک عادیه کی تظاهر ایده جکدر .

ماندلستام جنابلرینک سپارشلر دن مقصدی عجبا نه در . زیرا سپارشلر یا استصناع صورتیه یعنی بر فابریقه یه و یا بر صاحب صنعت برمال اصهار لایوب باید برملق اوزره سپارش اولنور . و یا طوغریدن طوغری یه فلان مالدن بکا شو قدر سات و کوندر دیه سپارش اولنور بر کره سپارش استصناع صورتیه وقوعه کله جک اولورسه بوراده خیار رؤیت مجله یه نظراً قطعاً موضوع بحث اوله ماز

چونکه مجله‌نك (۳۹۲) نجی ماده‌سندہ استصناع منعقد اولدقدن صوكره طرفین بازارلقدن دونه‌مز فقط مصنوع اكر تعريفه موافق اولمزه مستصنع مخیردر « دیشدر . یعنی استصناعده‌خيار رؤیت اولمیوب خياروصف ویاخيار عیب معتبر اولور .

کتاب فقهيہ‌مزرده مفصلاً بیان اولنديغنه کوره ائمہ حنفیه استصناعده بر قاچ قوله قائل اولمشلردر . بر قوله کوره هم صانع وهم مستصنع مخیر اولور . دیگر بر قوله کوره صانع مخیر اولمیوب یا لکنز مستصنع مخیردر . و امام ابی یوسفه کوره ده هیچ بریسنده خيار یوقدر .

هرایکيسنك مخیر اولنديغنه قائل اولانلره کوره بايعك خيار رؤیتی اولهمیه‌جنی جهتله بو خيار تمامیه خيار رؤیت اولهمیه‌جنی کبی مجله‌نك ماده مذکورده‌سندده مستصنع مخیردر دینلمسی خيار رؤيته مصروف دکلدرد . بلکه مجله امام ابی یوسف مذهبی اخذایده‌رك استصناعده خيار رؤيته قائل اولمیوب یا لکنز تعريفه موافق اولمدينی صورتده خيار وصفه قائل اولمش اولیورکه خيار وصف مجله‌نك (۳۱۰) نجی ماده‌سندده بايعك بر وصف مرغوب ايله متصف اولمق اوزره صائمش اولدينی مال اول وصفدن عاری حقیقه مشتری مخیردر . دیوبیان اولندينی وجهله اثنای مقاولده درمیان اولنان اوصاف لازمیه شامل اولديغندن استصناعده مصنوع مقاولهیه موافق اولمازسه مقاوله اولنان شی یا تامش ديمك اوله‌جغندن بالطبع مشتری آلمغه جبر اولنه‌مز .

شوحالده بر فایزیه استصناع صورتیه وقوع بولان برسپارش تسامیم اولمق ایسته‌نیلدکه مقاولهیه موافق اولهمیه‌جق اولورسه عجبا هانکی قانون مدنی بونک همه‌حال الخمسی لزومنه قائل اوله‌جق یوقسه عثمانلیلر آوروپایه بو وجهله بر جوق سپارشده بولمغه مجبور بولندقلری ایچون اوروپالیرك فصل اولورسه اولسون ویرمک ایستدکلری ماللری آلمغه عثمانلیلرک قانون مدنیلرنجه مجبور بولتلری

مانداستام جنابلرینك خوشلرینه‌می کیده‌جك . . . ديمك اولیورکه استصناعدن طولانی نه‌خيار رؤیت ملابسہ‌سیله نه‌ده جهت سائر ايله مجله‌یه هجوم ایتمک جائز دکلدرد .

سائر سپارشلره کلنجه بوسپارشلرک بر قسمی سلم اقسامنه داخل اوله‌رق اجرا ایدیله‌بیله‌جکندن مجله‌نك فصل مخصوصنده بیان اولنان شرائط ايله عقد ایدیان سلمده خيار رؤیت دخی اولهمیه‌جنی جهتله سلمه داخل بولنان سپارشلره دائر خيار رؤیتك تأثیری اوله‌مز .

ذاتاً سلمك احتیاج تجاری اوزره مشروع اولدينی نظر دفته‌النه‌جق اولورسه تجارتده بیع معدومه عائد بولنان احتیاجك قانون مدنی‌مزرده بو صورتله برطرف ایدلمش بولندينی مع مافیه سلمك سوء استعمالی اموال فقرانك استیلاسنه سبیت ویردیکی‌ده نظر اعتباره آله‌رق بر طاق شرائط لازمیه ربط ایدیلدی آکلاشیله‌جغندن حقوق بشریه‌نی اخلاص ایتیان اصول تجارتك فصل محافظه اولندينی دقائق شناسان حقوقه مستبان اولور . سپارشلرک بیع مشهور صورتیه‌اجرا ایدیلنلری وعلی الاکثر قومیسونجیلر طرفندن یا پیلانلری جهته کلنجه‌ایشته خيار رؤیت بوراده موضوع بحث اوله‌بیلیر .

بوخصوصده معاملاته عطف نظر ایدلم . کوریرزکه بو سپارش ایکی وجه اوزره اوله‌بیلیر . بریمی بر نمونه اوزره اجرا قلنان سپارشدر . دیگرى نمونه‌سز اوله‌رق اجرا قلنان سپارشدر . بر کره نمونه اوزره اجرا ایدیلن سپارشده سابقاً ایضاح اولندينی وجهله نمونه‌سی کوریلن مبیعه‌ده خيار رؤیت قالماش اوله‌جغندن تجارت حاضره‌نك معامله‌سنه خيار رؤیتك قطعاً مضرتی اوله‌مز . انحق نمونه موافق اولیان برسپارشك خيار عیب ویاخيار وصف ايله رد اولمسی لزومنی‌ده مانداستام جنابلری کبی هر قانون مدنی دخی قبول ایتمک مجبوریتده اولدينی شبهه‌دن وارسته‌در . نمونه‌سی اونیه‌رق وسلم استصناعه داخل بولمیه‌رق

مستند اولمق لازم کلیر . ماندلستام جنابلرینه هانکیسنی ترجیح ایتدکاریخی صورمق ایسترم .
خیار رؤیتک سبب مشروعیتی وحکمت حقوقیه سی
حقنیده کی مباحث واختلافات فقهیه مزری دیگر مقاله یه
تعلیق ایدلم .

کوهنرک حمیری

خلفای راشدین حضراتی دورلرنده احوال اجتماعیه

فاروق اعظم رضی الله تعالی عنه دوری

۳

بوندن اولمکی مقاله ده ایکنجی خلیفه حضرت تارینک
زمان خلافتلرینه عائد احوال اجتماعیه دن برنبذه بحث
اولمش ایدی . شمدی ده اودور تقوانک . اودور
عدالتک نه کبی قواعد اداریه یی احتوا ایتدیکنی اجمالاً
تضمن ایدن برخطبه مهمه نک اصلی و ترجمه سی درج
واتیان ایدلمشدر .

قال طلحة بن معدان :

خطبنا عمر بن الخطاب خطبة فحمد الله وأثنى عليه ثم
صلى على النبي صلى الله عليه وسلم وذكر أبا بكر فاستغفر له
ثم قال :

ایها الناس ! انه لم یبلغ ذوق حق فی حقن ان یتطاع فی معصیه الله
وانی لاجد هذا المال لا یصاحبه الا خلال ثلاث . ان یؤخذ
بالحق . ویعطى فی الحق . ویمنع من الباطل وانما انا وما لکم
کولی الیتیم ان استغنیست استغفقت وان افتقرت اکت بالمعروف
ولست ادع احدا یظلم احداً ولا یعتدی علیه حتی اضع خده
على الارض واضع قدمی على الخد الا آخر حتی یدعن للحق
ولکم على — ایها الناس — خصال اذ کرها لکم فخذونی
بها : لکم على ان لا اجبی شیئاً من خراجکم . ولانما افاء الله
علیکم الامن وجهه . ولکم على اذا وقع فی یدی ان لا یخرج

اجرا ایدیلن سپارشلره کانجه برصورت فرض ایدلم
مثلا اوده ساده دکرمنجیلردن بریسی استانبول تجارندن
برینه — هیچ نمونه اراء ایتیمه رک — بیت کیله بغدادی سپارش
ایلمسه استانبولی تاجرده الاشاعی بغدادیلردن کوندرمش
اولسه عجبا نتیجه ده ظهوره کله جاک نزاعده اوده سالی
دکرمنجی خیار رویت ایله بغدادی اعاده ایده بیلسمونی
ایده مسومنی ؟

شبهه یوق که بالجملة معاملاتده بویه نمونه سزسپارشلرده
تجار خیار رؤیتی ترجیح ایتدکاری وایده جکاری کبی
ماندلستام جنابلری ده بومسئله ده خیار رؤیتی بلکه فرض
کورورلر . شوقدر وارکه مسئله عکسنه اولورسه اووقت
خیار رؤیته ینه اعتراض ایدرلر .

شوراسی ده نظر دقتدن دور طوتاملیدرکه سپارشلر
علی الاکثر قومیسسیونچیلر واسطه سیله یاییلیر بونلرده
ایسه شرایه توکیل قضیه سی جاری اولدیغی وخیار رؤیتده
وکیل بالشراء ووکیل بالقضنک حتی رسولک نمونه یی
رؤیتی خیاری اسقاطده کافی بولندیغی نظر اعتبارده آله جق
اولورسه تجاری سپارشلرده بوصورتله خیار رؤیتک
تأثیری قانز و اولسه بیله بوکا توفیقاً معاملده یاتمق پک
قولایدیر . دیگر جهندن بعض سپارشلر فاطوره وتعرفه
اوزرد وقوعه کلیر . بونلرک بر قسمی سلمه داخل اولمق
برابر دیگر بر قسمندده فاطوره وتعرفه لمیبعک اصل
مقصدینه واقف اولمق اییون کافی اولدیغی عرف تجارده
ثابت اولورسه بونلر دخی نمونه اوزرد وقوع بولمش دیمک
اولدجندن بو جهندن خیار رؤیتک بر تأثیر مضری
اولیه جنی ینه مجله دن استنباط اولته بیلیر .

دیمک اولورکه سپارشلرده خیار رؤیتک مضرتی دکل
بلکه وجونی متحقق بولندیغی وتجارت حاضرده نکرده بواساسه
مخالف اولدیغی پک بدیهی بر مسئله اولدیغندن خیار رؤیت
طولایسیله مجله یه اعتراض ایتک یا اکلما مق ویا سوء نیت